

江蘇省立蘇州圖書館
吳中文獻小叢書之廿八

眉綠樓詞聯

吳縣志列傳七

顧文彬字蔚如。號子山。晚號艮菴。道光辛丑進士。改刑部主事。升員外郎。郎中。出爲湖北漢陽府。擢武昌鹽法道。以父憂去職。後補甯紹台道。當在刑曹時。律章訟比。悉心甄究。務得廉平。嘗隨節按事瀋陽。同官病累年。滯獄獨任研鞫。浹辰決盡。故事使旌入境。有司歸餽暨贈賄。必極華腆。文彬慨屏不受。旋以知府發往湖北。奉總制官文恭委署軍諮時。武漢初克。簿領闐委。往來風雪中。恆至丙夜。胡文忠尤器重之。嘗目爲端人正士。左文襄爲某鎮所誣。文彬知文襄非常人。力請於文恭。獄得解。庚辛之際。粵軍據全吳。幫辦團練。創議逆師皖中。反復陳譬。舟饗籌備。始獲濟師。用成合肥李文忠平吳之功。事平。文恭走書幣聘。不就。丁日昌撫吳。具疏力荐。遂觀察浙東。未五稔。引疾歸。晚築怡園。弄藏法書名畫。著有過雲樓書畫錄。及詩詞各若干卷。

眉
綠
樓
詞
聯

眉綠樓詞聯

顧文彬子山著

揮毫記燭。鳴瑟傳杯。放繡箔半鉤。渾疑佩玉丁東。臨枰撫瑤軫。

近竹敲茶。試香溫鼎。把苔箋重譜。忘

了牡丹名字。和露撥花根。

集吳夢窗張玉田句

此聯不存

風幙卷。金泥牡丹時。宴玉塵佳賓。錦衣鄉社。

花香聞水榭。畫欄外。倚翠樓煙靄。紅柱溪橋。

集張

子野詞句

僊子駕黃虬。玉樹懸秋。清夢重游天上。

中宵按瑤風。瓊樓宴夢。古香吹下雲頭。

集吳夢窗詞句

(以上爲怡園湛露堂聯)

還我漁簑。依然畫舫清溪笛。

急呼斗酒。換得東家種樹書。

集辛幼安詞句

占一年好景。數朶奇峯。經卷熏爐。誰與贈洞霄仙侶。

擬招隱羊裘。尋盟鷗社。綠簑青箬。人道是煙波

釣徒。

集張貞居詞句

度影入銀塘。漫銷凝四壁驪珠。兩隄鷗暝。

何時共漁艇。閒記省一簑松雨。雙槳蒹波。

集周草窗

姜白石句。

此聯不存

(以上爲怡園畫舫齋聯)

問徑松不語。天籟無聲。石乳倒懸山。眼底煙霞無數。

謝楊柳多情。荷陰未暑。林霏散浮暝。水邊樓觀

先登。

集張玉田詞句

凝睇數歸鴻。殘照猶在庭角。

相思舊飛鷁。東風暗落檐牙。

集周美成史梅溪句

此聯不存

(以

上爲怡園松籟閣聯)

一泓澄綠。兩峽嶄巖。浸雲壑水邊春水。

石磴飛梁。寒泉幽谷。似鈎鐔潭西小潭。

集辛幼安張伯

雨句

(以上爲怡園抱綠灣聯)

數曲闌干。人事迴廊縹緲。

一匿越鏡。他山小隊登臨。

集吳夢窗詞句

雲洞插天開。欲往何從。一百八盤狹路。

湘屏展翠疊。臨流更好。幾千萬縷垂楊。

集辛幼安周草

窗詞句

紆盤尋徑。偃僂穿巖。歡游曾步翠窈。

玉洞鳴春。石牀飛夢。長嘯竟落松前。

集張玉田詞句

(以上爲怡園面壁亭聯)

金井暮涼。高樹數聲蟬送晚。

玉闌春住。一簾芳景燕同吟。

集吳夢窗句

此聯不存

新月與愁煙。先入梧桐。倒挂綠毛么鳳。

空谷飲甘露。分傍茶竈。微煎石鼎團龍。

集蘇東坡張玉

田句

此聯不存

(以上爲怡園碧梧棲鳳館聯)

雲巢不夜梅檻移春。樹底行吟。說與山童休放鶴。

雲洞題詩。畫堂勸酒。闌干拍徧。醉扶怪石莫呼猿。

集張玉田辛稼軒句

此聯不存

竹杖敲苔倚牕。小梅索句。

簾波浸筍。閉門。明月關心。

集史梅溪詞句

翠幃圍屏。回首滄波故苑。

寶臺臨砌。有情花影闌干。

集吳夢窗詞句

竹外疏花。冷香飛上詩句。

梅邊吹笛。此地宜有詞仙。

集姜白石詞句

古今興廢幾池臺。往日繁華。煙雲忽過。這般庭院。風月新收。人事底虧全。美景良辰。且安排。剪竹尋泉。看

花索句。

從來天地一稊米。漁樵故里。白髮歸耕。湖海平生。蒼顏照影。我志在寥闊。朝吟暮醉。又何知。

冰蠶語熱。火鼠論寒。

集辛幼安句

(以上爲怡園鋤月軒即梅花廳聯)

流水洗花顏。擁幃媛三千。誰道采菱波狹。

紫霄承露掌。倚瑤臺十二。猶聞髣袖香留。

集吳夢窗

詞句

幃葉共分題。貯月杯寬。笑拍闌干呼范蠡。

簾屏掩雙扇。避風臺淺。旋移芳檻。引流鶯。

集周草窗

詞句

天地一陶然。草草山牕。休舉似。錦繡樓臺。燕鶯簾幙。

江湖渺何許。幽幽尺宅。儘未讓。桃花流水。杜若

芳洲。

集張貞居詞句

醉淋浪。歌窈窕。舞嬋娟。老子婆娑。算不負。可人風月。

水縱橫。石崢嶸。雲瀕洞。一時登覽。問何如。過眼

溪山。

集辛稼軒句

此聯不存

水雲鄉。松菊徑。鷗鳥伴。鳳凰巢。醉帽吟鞭。煙雨偏宜晴亦好。

盤谷序。輞川圖。謫仙詩。居士譜。酒羣花

隊。主人起舞客高歌。

集宋人詞句

曲檻俯清流。暝煙兩岸斜。日半山橫枕。驚峯水面倒銜蒼石。

晴空搖翠浪。花露侵詩。槐熏入扇。涼生

蟬翅。柳陰深鎖金鋪。

集秦少游周草窗詞句

(以上爲怡園藕香榭花廳聯)

素影護梅殘。向夢裏消春。酒中延晝。

雕籠移燭暗。在燈前欹枕。雨外熏爐。

集吳夢窗詞句

剪雪作新詩。染額人歸。化作此花幽獨。

微月照清飲。垂燈春淺。須信下榻殷勤。

集姜白石句

此聯

不存

(以上爲怡園遯窟聯)

高會惜分陰。爲我攀梅。細寫茶經煮香雪。

長調自深酌。請君置酒。醉扶怪石看飛泉。

集辛幼安

詞句

飛鳥翻空。窺魚笑汝癡計。

浮圖倒影。與鷗同一清波。

集辛幼安張玉田詞句

萍滿芳池。鷗翻石鏡。

柳迷歸院。鷺管苔磯。

集辛稼軒張玉田句

此聯不存

臨水看雲。寸心分付梅驛。

揮毫賦雪。一笑寫入瑤琴。

集張玉田句

此聯不存

欲雕好句乞春色。

煩向蒼烟問白鷗。

(以上爲怡園南雪亭聯)

竹邊松底。只贈梅花。共結歲寒三益。

蔭老苔荒。摩挲峭石。恍然月白千峯。

集張玉田詞句

欺寒茸帽。拂雪金鞭。漸爲尋花來去。

欸語梅邊。虛堂松外。幾番問竹平安。

集姜白石張玉田詞句

塵階墮珥。古石埋香。帶草春搖翠露。

脩竹凝妝。凍梅藏韻。寒松瘦倚蒼巒。

集吳夢窗句

此聯不存

錦幄初溫。葡萄上架春藤秀。

闌干四繞。蒼蘚沿階秋意濃。

集周美成詞句

紅雨苔滋。闌干四繞。

蒼厓梅小。薄酒孤吟。

集周美成周草窗句

此聯不存

石筍埋雲。風篁嘯晚。

燈樓倚扇。水院移船。

(以上爲怡園歲寒草廬聯)

松影闌干。鰲峯對起。

梅花清夢。翠羽飛來。

集吳夢窗詞句

梅萼月牕虛。疏影微香。夢裏栩栩然蝴蝶。

木末翠樓出。紫苔蒼壁。人間疊作仙鰲。

集蘇東坡辛稼

軒句

此聯不存

(以上爲怡園拜石軒聯)

步翠麓崎嶇。亂石穿空。新松暗老。

抱素琴獨向。倚窗學弄。舊曲重聞。

集蘇東坡句

此聯不存

酒被清愁。華銷英氣。

煙橫山腹。雁點秋容。

集宋人句

(以上爲怡園坡仙琴館聯)

素壁寫歸來。畫舫行齋。細雨斜風時候。

瑤琴纔聽徹。鈞天廣樂。高山流水知音。

集辛稼軒句

(以上爲怡園石聽琴室聯)

霜角寒梅。東閣漫添詩興。

烟林褪葉。西風先到巖扃。

集張玉田吳夢窗句

此聯不存

巧石盤松。玲瓏翠幄。

低簾籠燭。窈窕文牕。

集吳夢窗句

此聯不存

(以上爲怡園讀書樓聯)

晝永瑣牕閒。花外琴臺漫銷凝。嬌綠迷雲倦紅嘯曉。

日遲簾幙靜。竹邊棋墅儘占斷。吹香新句照影。

清樽。集周草窗詞句

妝梅媚晚。倚竹嬌嚙。翠格素虬晴雪。

膩葉陰清。交枝徑窄。錦籠紫鳳香雲。

集周草窗句

此聯不存

(以上爲怡園留客處聯)

香澤方熏。華堂花豔對列。

迴廊未埽。午陰佳樹清圓。

集周美成句

此聯不存

曲砌虛庭。玉影半分秋月。

豔歌芳酒。夜深醉踏長虹。

集周草窗句

此聯不存

(以上爲怡園玉

虹亭聯)

紫苔蒼壁。曲徑疏籬。玉斧削方壺。政爾橫看成嶺。

酒令詩籌。芒鞋竹杖。歸路踏明月。等閒行盡長廊。

集辛幼安詞句

幽懷倚石。蕭疏竹影。庭深且拂簾清眠。引筇閒步。

翠幙成波。晻靄苔香。簾淨每逢花駐樂。持酒聽歌。

集張子野詞句

(以上爲怡園石舫聯)

移花檻小。密葉禽幽。伴壓架茶蘼。依約誰教鸚鵡。

款竹門深。采芝人到。任滿身風露。姓名題上芭蕉。

集張玉田句

(以上爲怡園鎖綠軒聯)

芳桂散餘香。亭上笙歌。記相逢。金粟如來。蕊宮仙子。

天峯飛墮地。眼前突兀。最好是蜂房萬點。石髓

千年。
集辛幼安詞句

薜幹石斜妨。翠葉招涼。金絡一團香露。

錦溫花共醉。紅蓮並蒂。鏡開千鑿春霞。

集姜白石吳夢

窗詞句

垂楊影斷岸西東。一柱中擎遠碧。

閒庭更與天突兀。雨峯旁聳尙寒。

(以上爲怡園金粟亭聯)

冷石生雲。明波洗月。

懸厓擁檻。篆徑通花。

集張玉田詞句

磴古松斜。自放鶴人歸。何事登臨感慨。

厓陰苔老。喜嘶蟬遠。不妨留待涼生。

集周草窗句

此聯不存

游冶未知還。閒留鶯管垂楊。漁舸暗竹。

登臨休望遠。人倚虛闌喚鶴。隔水呼鷗。

集張玉田句

此聯不存

(以上爲怡園小滄浪聯)

疊嶂西馳。風月危亭致爽。

翠巖誰削。普陀大士虛空。

集辛稼軒句

此聯不存

擁素雲黃鶴。高樹晚蟬。下瞰蒼厓立。

看檻曲縈紅。檐牙飛翠。惟有玉闌知。

集姜白石句

此聯不存

(以上爲怡園螺髻亭聯)

名山游徧歸。高臥未成。漫徘徊。覓句堂深。寫經窗靜。

安輿扶上了。老來受用。總付與。晚花行樂。翠葉

招涼。

集姜白石句

(以上爲怡園嶺雲別墅聯)

笑掩雲局。外院重扉聯寶獸。

閑依露井。畫闌曲徑宛秋蛇。

集張子野周美成句

招隱竟忘還。踏破蒼苔。一笑原非捷徑。

薄游渾是感。待題紅豆。幾人來結吟朋。

集張叔夏詞句

柴門今始開。窈窕誰來。有客驂鸞翳鳳。

翠竹栽成路。彎環如許。小園曲徑疏籬。

集辛稼軒詞句

（以上爲怡園秀野亭聯）

酒羣花隊。舞榭歌臺。隔戶語春鶯。寶馬雕車香滿路。

書卷詩瓢。筆牀茶竈。寄情在談麈。舊家三徑竹

千竿。

集辛幼安張叔夏句

（以上爲怡園玉延亭聯）

雨笠風簑。記得相逢竹外。

筆牀茶竈。如今也到鷗邊。

冷石生雲。花氣烘人尙暖。

明波洗月。珠光出海猶寒。

流水花間。惟有閒鷗獨立。

虛堂松外。不知白鶴飛來。

臨水看雲。閒情便隨鷗去。

平波卷絮。樂事盡逐魚忙。

清氣厓深。歡游曾步翠窈。

虛闌荷近。樂事盡逐魚忙。

玉洞分春。移家靜藏窈窕。

石牀飛夢。清氣竟入崆峒。

鸚鵡珠簾。金字初尋小扇。

鴛鴦錦帶。輕衫厭撲游塵。

竹外橫枝。依舊空山明月。

籬根擁葉。聊伴老圃斜暉。

千古清愁。金谷蘭亭同夢。

一匳秋意。萍池鮮徑生寒。

一鏡無塵。玉影半分秋月。
香減春衫。新陰纔試花訊。
倚竹天寒。瑞鸞低舞庭綠。
絮影蘋香。鏡裏好春難折。
梁燕乍歸。翠尾剪開紅影。
素壁秋屏。波影暖浮玉甃。
波影先涼。已向冰奩約月。
倚月鉤欄。恐是持竿伴侶。
露冒蛛絲。花徑啼紅滿袖。
月約星期。幾度吟昏醉曉。
暗柳回堤。歌蟬口驚春換。
廊葉秋聲。曲榭芳亭初埽。
斷莽平烟。細草靜搖春碧。
笑折花歸。渾似飛仙入夢。

千林未綠。露梢已挂疎星。
波搖簾影。臨檻自采瑤房。
吟香夜冷。小鶯寂妬春眠。
山眉波盼。水邊佇立多時。
盟鷗堪語。素鱗遠避金鈎。
畫闌紅藥。金臺剪送瓊枝。
蘭燈初上。可堪竹院題詩。
臨風話舊。寄聲沽酒人家。
香籠麝水。澄波淡綠無痕。
燈窗雪戶。平生秀句清尊。
仙桃傳宴。醉花卻要人扶。
細桃春起。羅屏繡幙圍香。
垂楊梳雨。長絲初染柔黃。
記穿林窈。還因送客遲留。

以上俱集周草窗句

以上俱集周草窗句

以上俱集史梅溪句

素機塵生。莫把飛瓊吹去。
鶯花醉吟。除酒消春何計。
妒雪寒消。繡陌漸薰芳草。
金屋寬花。香滿玉樓瓊闕。
一雁不來。重陽正隔殘照。
生怕哀蟬。時聽蕉寒雨碎。
山色誰題。斜陽紅隱霜樹。
冰岸飛梅。暖雪驚翻庭砌。
玉兔長生。誰念月中人瘦。
燕紫鶯黃。洛苑舊移仙譜。
胡蝶夢情。春色長供午睡。
化作空螢。紺紗低護燈藥。
清麝濺塵。時聽蕉寒雨碎。
雁影秋空。澹墨晚天雲闊。

翠微路窄。還因送客遲留。
驚峯對起。憑闌淺畫成圖。
流花漲膩。紅波香泛浮萍。
春詞裁燭。紅圍舞袖歌裳。
雙鸞共跨。蓬萊對起幽雲。
丁甯過雁。忍教菊老松深。
梅痕似洗。清雪冷沁花熏。
春霖繡筆。晴暉稱拂吟牋。
口鳳柔婉。祇應花底春多。
鸞迴鳳舞。天街潤納璇題。
歸鴻心事。晚吹乍顫秋聲。
旋移輕鷁。幽情暗寄蓮房。
黛蛾照水。還認錦疊雲重。
蝶情春蕩。翻香羅幙煙斜。

倦蝶慵飛。湘浪莫迷花蝶夢。

流鶯分訴。翠陰濃合。曉鶯堤。

斜日起憑闌。見竹靜梅深。鵲樓勝處。
揮毫記燭。鳴瑟傳杯。朋儕閒歌白雪。
茶烟竈冷。花露晨晞。龍吻春霏玉澣。
書檠細雨。硯色寒雲。薰架香泛纖碧。
銀河流影。金井空陰。葉葉怨梧啼碧。
采花弄水。傍柳追涼。連喚碧筒傳酒。
酬清杯問水。繡檻展春。花下淩波入夢。
時聞晚鵲。閑引流螢。幾點疎星照朱戶。
人去月侵廊。千里嬋娟。空賸露華烟彩。
夢惹綠楊絲。暖逼書牀。新竹粉蓮香汗。
倦客老貂裘。約住飛花。帽壓半檐朝雪。
漢影隔游犀。霽月清風。追念吟風賞月。
入座玉光寒。塵鏡迷樓。何用倚樓看鏡。

春雷初啓戶。算柳嬌桃嫩。燕子來時。
送客將歸。倚天長嘯。愁邊暮合碧雲。
銀燭夜闌。仙棋局靜。羊曇醉後花飛。
岸錦宜霜。水沉熨露。冷波葉舞愁紅。
冰岸飛梅。松泉薦茗。涓涓暗谷流紅。
敗葉題詩。倦茶薦乳。還憶翠微攜壺。

記曉葉題霜。垂楊梳雨。樓前有雁斜書。
生怕哀蟬。丁甯過雁。一壺秋水薦黃花。
錦溫花共醉。一壺蔥蒨。笑攜雨色晴光。
雲軟翠微路。閒供晴晝。漱流枕石幽情。
舊隄分燕尾。尙遺芳草。夢闌一寸春晴。
簾紋縹緲。朝雲暮雨。相攜夢雨離雲。
畫屏羅障疊。搜松訪石。相攜巧石盤松。

寒盡雪微消。萼綠燈前。蘭膏漬透紅豆。錦溫花共醉。簫聲酒外。玉纖曾擘黃柑。

蘭蕙滿襟懷。清馥暗熏淺醉。桃李靚春靨。溫柔便入深鄉。以上俱集周草窗句。

醉踏香泥。海棠藉雨半繡地。周草窗句了無塵迹。柳綫被風吹上天。辛稼軒句

人在翠壺間。塵鏡迷樓。何用倚樓看鏡。吳夢窗句誰將春色去。瘦紅肥綠。不妨倚綠偎紅。辛稼軒句

芳草春深。從此蘭生蕙長。玉階山立。十分竹瘦松堅。

疑是花神有客。驂鸞翳鳳。種成香草。小園曲徑疎籬。

酒令詩籌。似欠舞瓊歌雪。花明柳媚。何妨倚綠偎紅。

數盡歸鴉。斜陽門外今古。不堪啼鴂。駐春亭上笙歌。

萬桂千杉。風月而今堅壁。百年雙鬢。山林我輩鍾情。

琴裏新聲。袖手高山流水。花邊得句。賞心樂事良辰。

春意長閒。閒處直須行樂。吾生堪笑。笑時猶有些癡。

錦字偷裁。說劍論詩餘事。瑤琴幽憤。高山流水知音。

繞屋聲喧。明月別枝驚鵲。小牕人靜。冷烟寒樹啼烏。

著箇茅亭。雲錦周遭紅碧。玩茲芳草。平原一片丹青。

五柳笑人。手把漁竿未穩。

一尊遐想。心隨去鳥先飛。

詩書事業。泉石膏肓。猶借此翁湔洗。

鶯燕丁甯。貂蟬前後。饒他老子當行。

高會惜分陰。舞榭歌臺。良夜更教秉燭。
高柳變鳴琴。萬里風烟。燕子幾曾歸去。
應笑古臺非。爲雨爲雲。舊雨殘雲仍在。
天上勸羲娥。多情暮送朝迎。朝吟暮醉。
詩句到梅花。更誰妙語披襟。清詞索笑。
喚箇月兒來。清光更多。只放冰壺一色。
饒他老子當行。似爲我歸來花明柳媚。
雲氣上林梢。千丈孤松。偏耐雪寒霜曉。
幽夢雨聲中。傍火添衣。一枕雲屏寒怯。
爲看牡丹忙。醉兀籃輿。行繞翠簾珠箔。
秋水隔嬋娟。有美人兮。西風落日無語。
倘來軒冕。隨分杯盤。雞豚社裏歸時節。

歸路踏明月。芒屨竹杖。等閒行盡迴廊。
枯荷難睡鴨。一溪霜月。白鷗知我行藏。
儘教清夢去。說山說水。高山流水知音。
水底看山影。依舊千巖萬岫。萬桂千杉。
漲痕紛樹髮。閒傍松邊倚杖。柳外尋春。
從今花影下。嬌黃成暈。染教世界都香。
莫向癡兒說夢。是傳家合在酒令詩籌。
漲痕紛樹髮。一泓澄綠。試教水動山搖。
小樓春色裏。合尊促坐。兩行紅袖爭扶。
要他詩句好。我評花譜。細書白繭烏絲。
造化故豪縱。爲蒼生起。行雲帶雨纔歸。
新葺茅齋。種成香草。蝴蝶花間自在飛。

茶甌香篆。曲几團蒲。聞道是維摩方丈。

缺月初弓。又斜斜曲徑。疎籬小橋流水。

疇昔夢登天。老合投閒。湖海早知身汗漫。

桃李趁時栽。且對花前。揩拭老來詩句眼。

獨倚小闌干。西崦斜陽。我見青山多嫵媚。

結我廬。萬桂千杉。窈窕誰來。曲沼明於鏡。

造物也兒童。著意爭妍。漫贏得翠圍紅陣。

卻帶夕陽回。晚晴時。冷雁寒雲。啼鴉衰柳。

正怕酒尊空記。相逢碧水溪魚。綠陰啼鳥。

拍手笑沙鷗。一楊清風。蓮社豈堪談昨夢。

風月幾千場。欹枕婆娑。談昨夢。轉頭陳迹。

青山卻作捧心顰。傾國無媒。更看烟婚雨嫁。

今古幾樓臺。長歌慢舞。急管哀絃。畫棟新垂簾幙。

夜雨共誰聽。搔首良朋。更傳青韭堆盤。黃柑薦酒。

華髮蒼顏。輕衫短帽。問何如絳縣老人。

清風一枕。且休休冰壺。涼簟茶鼎熏爐。

人生如逆旅。休辭醉倒。光陰須借酒消磨。

琅玕無數碧。何如竹外。橫斜削盡短長山。

正在一邱壑。南樓老子。只今明月費招邀。

看來道紫苔蒼壁。彎環如許。轉面已成峯。

上界足官府。爲花忙損。更能消雨恨風愁。

誰將春色去。香徑裏。流鶯喚友。乳燕引雛。

要他詩句好還。又向落霞孤鶩。晚日寒鴉。

登樓瞻玉兔。十分好月。梅花也解寄相思。

平生三萬卷。新涼燈火。笑衰容。老眼狂花。

庭草自生新意足。小窗高臥。覺來水繞山圍。

風月一邱壑。曲水流觴。茂林脩竹。烏絲重記蘭亭。

詩債怕人索。吹香隔屋。且自訪梅踏雪。剪竹尋泉。